

Y Gyfraith

Amser - 1.5 awr

Atebwch **DRI** chwestiwn

1. Trafodwch y rhan y mae'r gyfraith yn ei chwarae yn **un** o'r meysydd canlynol. Esboniwch pam y gallai fod yn ddadleuol. Trafodwch sut ac i ba raddau y gallai'r gyfraith gyfrannu at ddatrys y problemau yn y maes a ddewiswch:
 - a. Ewthanasia
 - b. Cyffuriau adloniant
 - c. Deallusrwydd artiffisial
 - d. Defnyddio dronau mewn gwrthdaro milwrol
2. 'Rhaid i gyfiawnder gael ei weld yn cael ei weinyddu' (yr Arglwydd Hewart). Esboniwch beth yw ystyr y datganiad hwn yn eich barn chi.
3. Drafftwyd deddf yn ymwneud â rheoli parc cyhoeddus yn Aberystwyth. Mae'n dweud, yn syml, "Gwaherddir cerbydau o bob math ar y tiroedd hyn." Chi yw'r barnwr sy'n gorfod dod i benderfyniad yn achosion yr unigolion canlynol:
 - a) Dyn sy'n defnyddio ei gadair olwynion drydan.
 - b) Bachgen sy'n reidio ei sgwter trydan.
 - c) Menyw sy'n gwthio pram.

Yn eich barn chi, pa rai o'r unigolion hyn sy'n euog, os oes un o gwbl? Esboniwch eich rhesymeg ym mhob achos.

4. "Mae swyddogion yr heddlu yn gyfrifol am gadw'r cyhoedd yn ddiogel ac mewn trefn. Maen nhw'n gweithio i leihau troseddu, atal ofn troseddu, a magu hyder yn y gymuned."

A yw gwasanaeth yr heddlu yn offeryn effeithiol ynteu'n offeryn aneffeithiol yn y system cyfiawnder troseddol? Rhowch enghreifftiau a rhesymau am eich ateb.

5. Nod Deddf Diogelwch Ar-lein 2023 yw '... sicrhau diogelwch ar-lein' trwy wneud cwmnïau technoleg yn atebol yn ariannol ac yn droseddol am fethu ag amddiffyn defnyddwyr eu llwyfannau (yn enwedig plant).

Ydych chi'n cytuno y dylai sicrhau diogelwch ar-lein fod yn gyfrifoldeb i'r llwyfannau a'r cwmnïau technoleg, neu ydych chi'n credu y dylid rhoi mwy o gyfrifoldeb ar eraill, er enghraifft defnyddwyr a rhieni?